

S p o r a z u m

o ponovnom priključenju stambenih objekata povratnika na elektrodistribucijsku mrežu u BiH

Strane :

Ministarstvo za ljudska prava i izbjeglice Bosne i Hercegovine
Ministarstvo privrede , energetike i razvoja Republike Srpske
Ministarstvo energije , rudarstva i industrije Federacije Bosne i Hercegovine
Javno preduzeće Elektroprivreda Bosne i Hercegovine
Javno preduzeće Elektroprivreda Hrvatske zajednice Herceg Bosne
Elektroprivreda Republike Srpske

Svjedoci :

Ured Visokog predstavnika za Bosnu i Hercegovinu / OHR /
Organizacija za sigurnost i saradnju u Evropi / OSCE /
Visoki komesarijat za izbjeglice Ujedinjenih nacija / UNHCR /

Strane, potpisnice Sporazuma o ponovnom priključenju stambenih objekata povratnika na elektrodistribucijsku mrežu u BiH / Sporazum / , prihvataju svoje obaveze u smislu Aneksa 7 Općeg okvirnog sporazuma za mir u Bosni i Hercegovini u cjelosti posebno člana II i sporazumijevaju se o sljedećem :

Svrha

Član 1.

Ovim Sporazumom strane, potpisnice se slažu da se povratnicima osigura jednak i nediskriminirajući pristup elektrodistribucijskoj mreži na cijeloj teritoriji Bosne i Hercegovine .

Rekonstruiranje mreže na povratničkim lokacijama

Član 2.

2.1 Strane prihvataju da prvenstvena odgovornost za rekonstruiranje elektrodistribucijskih mreža pripada JP Elektroprivreda Bosne i Hercegovine, JP Elektroprivreda Hrvatske zajednice Herceg Bosne i Elektroprivredi Republike Srpske / elektropreduzeća/ koja su i vlasnici elektrodistribucijskih mreža na području njihove odgovornosti .

2.2 Strane prihvataju da je sadašnje stanje elektrodistribucijskih mreža i finansijska situacija elektropreduzeća takva da ozbiljno ograničava sposobnost tih preduzeća da odgovore zahtjevima . Elektropreduzeća će usko saradivati s općinama, Regionalnim centrima Ministarstva za ljudska prava i izbjeglice BiH, donatorima i drugim nadležnim institucijama u cilju iznalaženja sredstava i ubrzanja procesa rekonstruisanja mreža na povratničkim lokacijama .

2.3 Elektropreduzeća će pri korištenju doniranih roba, materijala, novca, kao i vlastitih namjenskih sredstava, dati prednost povratničkim stambenim objektima i

povratničkim lokacijama. Listu prioriteta će utvrđivati zajedno s općinama i Regionalnim centrima Ministarstva za ljudska prava i izbjeglice .

Brojila

Član 3.

3.1 Povratnik neće imati obavezu da sam nabavlja ili finansira nabavku brojila

3.2 U slučaju individualnih povrataka u stambene objekte gdje nedostaju samo brojila, elektropreduzeća će osigurati monofazno, jednotarifno brojilo .

3.3 U slučaju da donatori osiguraju brojila, elektropreduzeća će prihvatiti bilo koji tip koji je odobren od strane jedne od tri institucije: Instituta za standarde, mjeriteljstvo i intelektualno vlasništvo Bosne i Hercegovine ili Zavoda za mjeriteljstvo FBiH ili Republičkog zavoda za standard, patente , mjere i dragocjene metale Banja Luka .

Atest o ispravnosti unutarnjih elektroinstalacija

Član 4.

4.1. Potpisnice Sporazuma će u skladu sa svojim mogućnostima, predložiti svim subjektima koji su uključeni u finansiranje i implementaciju projekata sanacije objekata povratnika, da u troškove sanacije uključe i vrijednost izdavanja atesta o ispravnosti unutrašnjih elektroinstalacija, kako bi priključenje objekata na elektrodistribucijsku mrežu bilo izvedeno u skladu sa zakonom .

4.2. U slučaju nepostojanja atesta, elektropreduzeća će angažovati verificirane institucije za izdavanje atesta o ispravnosti unutarnjih elektroinstalacija i snositi troškove izdavanja pomenutog atesta samo za one povratnike, koji ni na koji način ne budu u mogućnosti sami finansirati troškove izdavanja istog .

Takse

Član 5.

5.1 Elektropreduzeća neće naplaćivati jednokratnu naknadu za angažovanu snagu električne energije / kW/ do vrijednosti proračunate za veličinu i odlike prijeratnog objekta.

5.2 Elektropreduzeća neće naplaćivati nikakve takse za ponovnu prijavu priključenja prijeratnog objekta .

Troškovi priključenja

Član 6.

6.1 Elektropreduzeća neće naplaćivati bilo kakve troškove priključenja stambenog objekta povratnika , ukoliko se priključenje ne mijenja u odnosu na prijeratno ili su nastale promjene bile izvan uticaja povratnika .

6.2 Priključenje iz stava 6.1 podrazumijeva odgovarajuće tehničko rješenje bez ili sa jednim stubnim mjestom .

Primjena

Član 7.

7.1 Elektropreduzeća će svojim poslovnim jedinicama na terenu odmah po potpisivanju ovog Sporazuma dostaviti detaljna uputstva o primjeni istog .

7.2 Potpisivanjem ovog Sporazuma prestaje da važi Memorandum o razumijevanju o priključenju stambenih objekata povratnika na elektrodistribucijsku mrežu u Bosni i Hercegovini od 26.01.2004 godine .

Ostalo

Član 8.

8.1 Ovaj Sporazum je sačinjen na bosanskom, srpskom , hrvatskom i engleskom jeziku , u 12 originalnih primjeraka .